



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expedita Juris Divini, Natvralis, Et Ecclesiastici Moralis
Expositio**

Tamburini, Tommaso

Coloniæ Agrippinæ, 1665

Quid, & quotuplex sit condito? parag. 1.

urn:nbn:de:hbz:466:1-40132

C A P U T V.

De consensu conditionato.

§. I.

Quid, & quoniam sit conditio.

Matrimonium (sicuti, & ceteri contractus) potest, quantum ad praesens institutum facit, dupli-
ci modo contrahi. Primo, absolute, ut,
Te in uxorem duco. Secundo, sub conditione,
ut, *Te in uxorem duco, si tuus Pater approbaverit*. Qui duo modi contrahendi, valde differunt;
Consensus enim absolutus vult, & de facto
parit eodem ipso momento, quo exhibetur
translationem dominii in corpus. At conditionatus vult quidem eandem dominii
translationem, sed vult, eam non haberi, si
apposita conditio deficiat, lege Gasp. Hur-

¶ G. Hur-
rad. 4.7.
diff. 1.

rad. a. 2.. Hinc, fit, ut Matrimonium absoluto-
consensu celebratum, nihil expectare de-
beat, ad suos effectus producendos. De-
beat, vero celebratum consensu conditionato;
suspenditur enim perfectio contractus, us-
que ad adventum conditionis. Nam pro-
pterea nihil interim innovandum, nec con-
juges se, ut tales tractare queant.

3. Jam vero ejusmodi conditionum divisiones variae sunt, Prima divisio; Alia est de praesenti: ut, *Te duco, si virgo es*. Alia de præterito: ut, *Te duco, si sacro interfui*; Alia de futuro: ut, *Te duco, si Panormum te trans-
feres, si tantum dote mabit*, &c.

4. Secunda divisio. Quæcumque ex di-
ctis conditionibus potest esse de re impossibili Phisicè, ut, *si volabis, si volasti*, &c.
vel, de re admodum difficulti, quæ aequi-
paratur impossibili, immo, & impossibile
vocatur, ut, *si monstrem aureum mihi donaveris*,
vel, de re impossibili moraliter, id est, de re
turpi, seu contra leges, ut, *si mendacium dixeris*, &c.

Rursus potest esse de re possibili, sive ne-
cessaria, ut, *si cras orietur Sol*, sive contingente, ut, *si Navis ex Asia venerit*.

5. Tertia divisio. Hæc contingens potest
esse, vel solum dependens à tua potestate;
nam ideo dicitur potestativa, ut, *si venatum*

ibis; Vel casuialis, ut, *si cras fulgorabit, si Navis ex Asia venerit*, &c. haec enim in tua potestate non sunt, Velmista, id est partim de-
pendens à tua potestate, partim a potestate alterius, ut, *si officium à Rege impetravero*; id enim dependet à me acceptante, & à Rege officium conferente.

6. Hic te moneo, has contingentes con-
ditiones non raro apponi, tanquam terminos, vel tanquam diem præfixum, non tan-
quam conditions, ut, *Duco te, si morietur meus pater*, id est, quando morietur.

7. Quarta Divisio admodum notanda. Conditionum alia est, quæ inest contra-
ctui, & à contractu expositur, sine qua
scilicet contractus esse non potest, ut, *Te du-
co, si tu consenseris*. Alia, quam contractus
ipse non exigit, nec tamen est contractui
contraria, ut, *Si pater consenserit, si mendacium dixeris, si furtum feceris*, &c. Alia, quæ
ipsi contractui contraria est, ut, *Te duca, si non transtuleris dominium sui corporis ad pro-
lem generandam*.

8. Quinta denique. Alia est positiva, ut
sunt præcedentes, præteritum, quando de-
pendent ab altero ex conjugibus, ut, *Te duco,
si Roman adiveris*. Alia est negativa, ut, *Te
duco, si Roman non adiveris*.

9. Advero Primo, aliquos nihil distin-
guere inter Matrimonium conditionatum,
& consensum conditionatum; Sed certè
Sanch. b bene docet, consensum posse esse b Sam. b
conditionatum, Matrimonium vero nequa-
quam, quia nimirum, quando consensus est
conditionatus, nullum adhuc est verè Matri-
monium; at, quando deinde purificata est
conditio, fit verum Matrimonium, quod jam
nullo modo conditionatum est, sed absolute,
quia per adventum conditionis transit in
absolutum. Vides ergo, quomodo Matri-
monium nunquam est, nisi absolutum?
Moneo nihilominus, nos, & Doctores pa-
sim uti hac voce Matrimonii conditionati,
per illam sojum significantes, tunc Matrimo-
nium nondum esse perfectum.

10. Adverte Secundò, quando inferius
sæpè dicemus, per alias conditions ex di-
ctis vitiari contractum Matrimonii, sensum
esse; tunc Matrimonii contractum esse nullum.
Quando autem dicemus, aliquam
ex iisdem conditionibus rejici, seu haberi pro-
non adjecta, sensum esse contractum esse
vali-

CAPUT QUINTUM §. I. II. ET III.

48

validum, de conditione autem illa nihil esse validum, de conditione autem illa nihil esse laborandum, cum habenda sit perinde, ac apposita nequaquam fuisset. Sed per singulas conditiones discurreamus.

§. II.

Matrimonium sub conditione praesenti,
vel præterita.

11. Condicio de præsenti, vel de præterito non suspendit Matrimonium, seu non reddit illud conditionatum, sed, vel est certò Matrimonium, vel certò non est. Ratio ducitur ex natura contractus conditionati cuiuscunque. Si enim conditio existit, vel exitit, jam purificata est conditio, & consequenter certò contractus obligat: si vero non existit, vel non exitit, jam non adest conditio, & consequenter contractus vitiatur, & certò non obligat, quia solum sub illa voluit, se obligare contrahens. Ita

^{a Sanc. lib.} Sanch. a aliique.

^{b Sanc. lib.} 12. Extenditur hæc doctrina ad conditiones turpes; quamvis enim mox dicturi sumus, conditionem turpem de futuro vitiare contractum, & illum reddere nullum, tamen eadem conditio turpis de præsenti, vel præterito, sicuti non suspendit contractum, quia, ut dictum est, conditio de præterito, vel præsenti certo existit, vel certo non existit, ita non viciat. Ratio autem differentia est, quia, ex turpi de futuro, alicercentur homines ad turpia patranda, si contractus sustinendus esset, media illa turpi conditione futura: at hoc inconveniens non adest in turpi de præsenti, vel de præterito, cum tunc supponatur, delictum jam fuisse patratum, ergo non est, unde non sustineatur.

13. Extendatur etiam eadem doctrina data n. 11. ad conditiones de præsenti, vel de præterito, physicè, impossibilis; id, quod colligerut ex dicendis mox §. 5. & videri poslunt Pontius, b & Castropalaus & extenderentes; Thomam vero d. Sanchez non extenderentem.

c Castrop. 14. Inquires. Ad valorem Matrimonii d. 2. p. 11. requiritur ne cognitio existentia talis conditionis, v. g. si sic tecum contrahat puella, & d. Sanc. lib. es nobilis, vel, si habebis officium a §. 4. Rege, tecum contraho: necesse ne est, ut ipsa

sciat tuam nobilitatem, vel tuum officium? Quod, si non novit, dicendum ne est, non statim, sed solum, quando nosceret, fore validum Matrimonium?

15. Respondeo. Ita putat Coninck. e Ra- e Coninck-
tio est, inquit, quia ad Matrimonium opus d. 2. 9. dub.
est, ut uterque contrahens sciat consensum l. nu. 6.
alterius. At in casu hoc, dum puella nescit
tuam nobilitatem, non potest tibi notus esse
ejus consensus, quia, si sub conditione sibi
ignota consentit, non minus ejus disensus
conjici potest, quam assensus.

Confirmitur, quia id est, ac si diceret
puella; Accipio te in virum, vel non accipo,
quo pacto certum est, esse invalidum Matri-
monium.

16. Verum Sanc. & G. Hurt. f quo se- f G. Hurt-
quirit Castrop. g merito putant, fore statim tad. d. 7.
validum Matrimonium, si vera est conditio. diff. 2.
Ratio est, quia puella non contentit sub con- citias Sanc.
ditione nobilitatis; vel officii sibi noti, sed g Castrop-
sub conditione nobilitatis, vel officii, si haec pal. d. 2.
existant, hunc autem consensum jam tu p. 11. §. 1.
cognoscis, licet non cognoscas illum, ut pro-
cedentem a cognitione nobilitatis, vel officii.

Ad confirmationem dic, esse dispari-
tatem maximam, quia formula illa, nec
assensum, nec dissentium determinatè si-
gnificat, cum in casu nostro clare significe-
tur, ut dictum est, consensus determinatus
sub existentia conditionis, licet non sub no-
titia illius.

17. Ex dictis igitur, erit quidem neces-
se, ut puella cognoscat, an tu sis nobilis,
vel officium obtinueris, ut videat, an Ma-
trimonium fuerit validum, nec ne, non ve-
ro, ut illud validum fiat.

§. III.

Sub Conditione de futuro necessario.

1. A Conditione de futuro necessario, ut,
duco in uxorem Bertam, si cras Sol orie-
tur, non suspenditur contractus Matrimo-
nii, sicuti, nec cæteri contractus. Ratio est,
quia prædicta conditio, tam ad suspenden-
dum consensum, quam ad demonstrandam
consensus certitudinem, apposita esse conser-
etur: ut sensus sit demonstrativus, non con-
ditionatus sic: Sicuti certum est, cras oriri So-
lem, sic certum est me Beriam ducere.

Fff 2

2. Quod